

徑中徑又徑徵義

葉爾愷署



徑中徑又徑徵義

全 一 冊

中華民國二十年十月初版

●每冊定價大洋壹角五分

(外埠酌加郵費)

編輯者

歸安張師誠

徵義者

海鹽徐槐廷

出版者

佛學書局

印刷者

上海新大沽路南成都路口
國光印書局
電話三三七四三號

總發行所

總店：開北新民路國慶路口
上海佛學書局
分店：北火車站東首寶山路口

分銷處

各省佛學流通處

義烏朱吳慧文捐款一百元專印本書一千
五百冊卽委上海佛學書局贈書會贈送結
淨土緣以此功德迴向一切有情同生安養
共證菩提娑訶

回向偈

願以此功德 莊嚴佛淨土 上報四重恩
下濟三塗苦 若有見聞者 悉發菩提心
盡此一報身 同生極樂國

佛祖開示念佛

彌陀經云。聞說阿彌陀佛。執持名號。一心不亂。其人命終。阿彌陀佛現在其前。卽得往生極樂國土。無量壽佛經言。至心念佛一聲。滅八十億劫生死重罪。無量壽經言。一向專念阿彌陀佛。願生彼國。卽得往生七寶華中。住不退轉。文殊般若經言。繫心一佛。專持名字。念念相續。卽是念中得見過去現在諸佛。楞嚴經言。若衆生心。憶佛念佛。現前當來。必定見佛。不假方便。自得心開。大彌陀經言。念佛之人。有四十里光明燭身。魔不能犯。寶積經言。他方衆生。聞阿彌陀佛如來名。乃至能發一念淨信。歡喜愛樂。所有善根。回向願生彼國者。隨願往生。得不退轉。直至成佛。隨願往生經言。普廣菩薩白佛言。何故經中讚歎阿彌陀佛。刹七寶諸樹。宮殿樓閣。諸願生者。皆悉隨彼所欲。應念而至。佛告普廣。汝不解我意。娑婆世界。人多貪濁。信向者少。習邪者多。不信正法。不能專一。令諸衆生。專心有在。是故讚歎彼佛國土。悉隨彼願。無不獲果。目連所問經言。我說無量壽國。易往易取。而人不

能修行往生。返事九十六邪道。我說是人。名無眼人。名無耳人。十往生經言。若有衆生。念阿彌陀佛。願往生者。彼佛卽遣二十五菩薩擁護行者。一切時。一切處。不令惡鬼惡神得其便也。智度論言。有諸衆生。謗般若。墮惡道。雖修餘行。不能得出。後遇知識。教行念佛。方得解脫。永明壽禪師言。有禪無淨土。十人九差路。陰境若現前。瞥爾隨他去。無禪有淨土。萬修萬人去。但得見彌陀。何愁不開悟。古德言。若人以四天下七寶供佛。其福甚多。不如勸人念一聲佛。其福勝彼。

雲棲大師勸修淨土

觀佛三昧經。文殊菩薩偈云。願我命終時。滅除諸障礙。面見彌陀佛。往生安樂刹。華嚴行願品。普賢菩薩偈云。願我臨欲命終時。盡除一切諸障礙。面見彼佛阿彌陀。卽得往生安樂刹。起信論。馬鳴菩薩云。最勝方便。專意念佛。卽得往生。終無有退。楞伽經。佛告大慧。大名德比丘。厥號爲龍樹。得初歡喜地。往生安樂國。以上略舉四大菩薩。其餘菩薩。修淨土者。不可勝紀。廬山遠法師。悟摩訶般若深旨。號東方護法菩薩。而六時念佛。三觀聖像。往生淨土。天台智者大師。妙悟法華。一家教觀。萬代宗祖。而生卽面西。辨十種疑。疏十六觀。極談淨土。百丈大師。馬師傳道嫡子。天下叢林共宗。而祈禱病僧。化送亡僧。悉歸淨土。清涼國師。紹華嚴祖位。稱文殊後身。而指示彌陀。卽盧舍那。亦疏觀經。宏揚淨土。永明壽禪師。得無礙辨才。柱石宗門。而作四料簡。偏贊西方。上品上生。敬及冥府。死心新禪師。繼席黃龍。宗風大振。而切意淨業。著勸念佛文。令人發哀起信。真歇了禪師。嗣丹霞澄公。

洞下一宗。至師大顯。而卓庵補陀。專意西方。有淨土集行世。慈受深禪師。大悟倩女因緣。一偈融通五教。而謂修行捷徑。無如淨土。建西方道場。苦心勸衆。圓照本禪師。道續天衣。宗宏雪竇。法雷振地。師表兩朝。而淨業兼修。標名上品。中峯本禪師。得法高峯老人。學者仰如山斗。而云禪者淨土之禪。淨土者禪之淨土。有懷淨土詩百首。勸人念佛。以上略舉十大尊宿。其餘尊宿。及法師律師。修淨土者不可勝紀。阿彌陀經。大無量壽經。十六觀經。鼓音王經。天親往生論。以上略舉專說淨土經論。其餘經論。帶說淨土者不可勝紀。道安往生論。懷感羣疑論。慈恩通贊。海東彌陀疏。四明妙宗鈔。慈恩懺願儀。草堂寶王論。孤山刊正記。西資鈔。大智觀音疏。優曇蓮宗寶鑑。石資樂邦文類。天如淨土或問。大佑淨土指歸。鏡道二師念佛鏡。道衍善人詠。西齋淨土詩。以上略舉最顯數家。其餘贊揚淨土者不可勝紀。願一一考其人。閱其言。思其義。斷疑決志。幸甚幸甚。

徑中徑又徑原序

佛之教人。無非勸善戒惡。皆正教也。與儒教何以異。邪教不可不鋤。正教有不可廢。人能遵奉佛教。行一善則去一惡。去一惡則息一刑。勝殘去殺之風。將見蒸蒸日上。我朝聖聖相承。崇奉三寶。誠以治理相關。有裨於世道人心。不淺也。學者未識此理。剿辭闢佛。弗思耳矣。佛自隆古以前。已歷無量數劫。其生於周昭王時者。爲釋迦牟尼。孔子謂西方有聖人。蓋已知有佛矣。後漢明帝朝。其教始入中國。全藏八萬四千法門。以明心見性爲極則。第真參實悟。累劫難窮。菩薩尙昏隔陰。聲聞猶昧出胎。功敗垂成。良可歎惜。釋迦牟尼佛悲憐末學。於禪教律之外。特開淨土一門。爲說阿彌陀經。指陳西方極樂世界。阿彌陀佛淨土。依報正報之勝。令人執持名號。惟在一心不亂。卽能七日有成。簡要直捷。孰逾於斯。蓋阿彌陀佛。有四十八願。濟度衆生。廣垂接引。其神力不可思議。故人至心持名。定得往生極樂。此全賴佛力攝取。與專仗自力參悟者。難易迥殊也。世之闢佛者。無論已。其有修行志切。率以坐禪參

究爲先。高遠難行。徒致一無成就。卽持名不輟。未嘗乏人。又皆志在求福。欲得專心求生淨土者。百無一二。且問以淨土一門。多未明曉。甚或妄生疑謗。夙障之重。一至於此。夫人生如水上泡。倏忽漸滅。功名富貴。一切皆空。何物可以將得去者。且一生行事。豈乏罪愆。六道輪迴。何所底止。一生西方。卽不退轉。有如此至簡至易之徑路。不知猛力跳出。噬臍何及。余根鈍障深。茫無解悟。惟思淨土法門。信願行三者。如鼎三足。缺一不可。今以三者爲大綱。層遞分門。較有次第。蓮池大師曰。持名一法。是爲徑路之中徑。而又徑。謹取以名編。雖然。世人念佛者多。得生淨土者少。何以故。良由口雖念佛。心中不善。以此不得往生。蓮池大師曰。既是念佛。便要依佛所說。要積德修福。要孝順父母。要忠事君王。要兄弟相愛。要夫妻相敬。要至誠信實。要柔和忍耐。要公平正直。要陰陽方便。要慈愍一切。不殺害生命。不凌辱下人。不欺壓小民。但有不好心起。著力念定。要念退這不好心。如此纔是念佛的人。定得成佛。觀此則從善去惡。爲修淨根源。惡可不揣其本。而齊其末。爰恭錄

聖製。并諸卷首。彰正教而佐治功。豈曰小補之哉。

道光五年乙酉正月。兵部侍郎巡撫江蘇等處提督軍務歸安張師誠自序
徑中徑又徑徵義序

余少業儒。研究孔孟聖賢之道。而於釋氏之書。未之肆及也。庚戌筮仕粵東。亡兒用康。究心內典。購得大藏諸經。闡明心要。余因得而徧讀焉。遂覺此心曠邈。諸相俱空。慨然有出世之意。爰會金剛經宗旨。提要鉤元。名曰金剛經解義。時尚未及淨土也。丙寅歸田後。友人張子簡授余彌陀疏鈔云。是雲棲大師教人修淨土法門也。余受而讀之。仰見我佛如來。救度衆生。超脫生死。惟此念佛一門。最爲簡要。而雲棲大師指示迷途。詳加引證。實爲往生津梁。因擷其精華。分其節次。名曰彌陀疏鈔。余之修淨業自此始。傳大士云。惟有徑路修行。但念阿彌陀佛。雲棲大師云。念佛爲修行徑路。而持名又徑路中之徑路也。吾浙張蘭渚中丞。集諸家勸修淨土之說。著徑中徑又徑一編。立信願行三法。又分別十二門。至詳且要。余不揣冒昧。於其中繁者節之。略

者增之。再於各條下申以緒論。徵以故實。復加旁注。以警動衆心。其所以感發信願行之心者。不益切歟。白太傅念佛偈云。日暮而途遠。此生已蹉跎。余今年七十矣。夕陽雖好。光景無多。惟有謝絕塵緣。皈依佛法。彌陀一卷。佛號千聲。預辦資糧。以爲生後計。是編也。其爲自修自度之左券也夫。

同治七年歲在戊辰四月樂淨居士徐槐廷序

徑中徑又徑徵義新刊序

淨土法門。自東晉廬山遠公開創。迄今一千五百餘年中。不論僧俗男女。不論貴賤智愚。但信有阿彌陀佛。專心稱念佛名者。無不應願往生。如往生集及淨土聖賢錄等書所載。班班可考。何則。無量壽經四十八願中有云。十方衆生。至心信樂。欲生我國。乃至十念。若不生者。不取正覺。唯除五逆。誹謗正法。又偈頌云。我至成佛道。名聲超十方。究竟有不聞。誓不成等覺。然則我在今日。得聞佛名。深願念佛。是卽佛在西方。得聞我名。深願念我。惟以佛願感我願。故以我願應佛願。感應道交。至捷至靈。是故信願念佛。終身不變者。早

已念念併入彌陀願海中。如水歸壑。決定往生。或者疑而問曰。我但晨昏念佛。日間浩浩。俱屬塵勞。且口念佛時。不免雜念起滅。恍惚無定。欲求一心不亂。甚難。未識亦能往生否。答曰。切勿多疑。亦無論一心散心。特患信行願三者發心不真耳。果發真心。此心如長江水。種種雜念如水上波。往生如江流入海。豈有江流入海時。波不消散。而反能阻礙長流乎。又一人問曰。若然。儘可作惡。但肯念佛。亦得往生。則西方將成逋逃藪。奈何。曰。嘻。爾不作惡。尙不肯念佛。而謂作惡者。反肯念佛乎。且人惟不信佛。故敢作諸惡。未有真實信佛。而不知爲善去惡者。如子所疑。是名誹謗正法。佛不能救。蘭渚張中丞知世俗種種疑障。可憐可憫。所以有徑中徑又徑之作。其自序引蓮池大師語。亦可謂剴切詳明矣。吾邑樂淨徐居士宰粵東時。嘗著金剛經解義。刊印廣施。歸田後。斗室清修。與常惺訂忘年交。專談佛法。篤修淨業。以張中丞所著最足啓發信根。嘗手鈔數過。爲之條增徵義。而以一冊贈惺。珍藏垂三十年。茲遇靜涵陸居士初發心念佛。願力精進。出眎此冊。欽慕其誠。亦手錄一過。

願付棗梨。以廣流通。夫靜涵之願。卽張中丞徐居士之願。亦卽阿彌陀佛之大願。光明所照。所感故。凡讀此冊。而能發一念信心。發一念願心。發一念念佛真心。阿彌陀佛卽在爾一念心中。垂手接引。他日蓮池會上。把臂同行。幸勿錯過機緣也。時在光緒二十五年己亥元宵淨業學人海鹽張常惺謹敘於吳門寓齋時年六十有六

徑中徑又徑徵義排印弁言

淨土法門信願行如三鼎足蓮池大師持名一法尤爲修行淨土者徑路中之徑而又徑蘭渚張中丞蒐集諸說因以名編海鹽徐槐庭居士復節繁增略申緒徵實加以旁注警惻動人先後刻行以饗同好其濟世度生功德誠不可以道里計今者維揚吳海秋居士夫人智昭女士往生淨土遺命捐資廣結勝緣委由本局排印所有旁注警語改置眉頭而於原注句旁加密圈以標誌之俾便讀者庶無負徐公之苦心焉

中華民國二十年十月上海佛學書局編輯部謹識

徑中徑又徑徵義目錄

佛祖開示念佛

雲棲勸修淨土

原刻張序

徵義徐序

新刊張序

排印弁言

起信法

醒迷門

易行門

析疑門

立願法

決定門

廣度門

勵行法

精持門

兼觀門

斷愛門

飭終門

助行門



徑中徑又徑徵義

歸安張師誠輯

海鹽樂淨居士徐槐廷徵義

起信法

醒迷門

一語道破
可怪

一場春夢何時醒
循環無已

歲月易逝富貴
如電世人知之
否四大實同幻化
當頭棒喝
二句宜猛省

一條生路

浮生若夢一切皆空人皆知之亦能言之而終日營求靡已曾不醒悟大率以死後卽化又或以爲死卽復生不足爲慮詎知業報無爽得人身極難卽得人身而依然又入夢境輪迴六道其苦無涯欲脫離此苦舍淨土奚歸耶將起其信先破其迷輯醒迷門

宋王龍舒淨土文曰人生時父母妻子屋宅田園以及器皿衣服等物無非愛著倉庫既盈心猶未足金帛已多營猶未止一旦大限到來盡皆拋去雖我有此身猶是棄物況身外者乎靜心思之恍如一夢古人云一日無常到方知夢裏人萬般將不去唯有業隨身妙哉此言予添作一偈云萬般將不去唯有業隨身但念阿彌陀定生極樂國

是名促死何名
娛年
喝醒

五更氣清無人
事之擾故可辦
自家事
富貴功名皆非
自家事所謂將
得去者唯有念
佛耳
創業老人言之
可哀
老年宜思此言
年少孤墳吾見
多矣
五濁惡世盡屬
苦境富貴不過
利時
孤魂飄渺思之
危悚
自作自受無可
解免
三途惡趣
幽羅道
天人道
大救星
免墮輪迴受諸
苦報
及早回頭
生死事大

昔韓持國壻王實訪東坡言持國自謂癯老且將聲樂酒色以娛年東坡曰惟其殘年正不當爾頃有一老人生死之際極爲了然一日置酒會親友酒闌語衆奄奄欲去諸子呼號願留一言爲教老人曰只宜第一五更起諸子未喻老人曰唯五更可勾當自家事自家事者是死時將得去者且吾平日治生今日就化可將何者去諸子頓悟請君言于持國勾當自家事與其勞心聲色不若爲死時將得去者計也

又曰此世界中人皆如水上泡生滅不常只見眼前老者不思不待老而去者多矣況世間無非是苦卽或稱意亦無多時平時罪惡豈得全無閉眼之後不免隨業緣去杳杳冥冥知在何處或墮地獄受諸極苦或爲畜生受人宰殺或生餓鬼饑火燒身或入修羅瞋恨所迫雖有善業得生天上人間受盡福報依舊輪迴漂流汨沒無有出期唯有西方淨土最爲超脫輪迴之捷徑色身難得趁此康健時辦此大事命終徑生極樂世界回視死入陰府見閻王受恐怖者不同矣